

In memoriam

Stefan Andonović
(1991 - 2021)

U vremenu koje vijesti o umrlim svodi na brojeve, stigla je i ona nad kojom se zastaje: u Beogradu je u tridesetoj godini iznenada umro *Stefan Andonović*. Srbijanska javnost ga je poznavala kao bivšeg reprezentativca Srbije u plivanju i plivačkog sudiju. Pravna i akademska javnost ga je znala kao istraživača saradnik na Institutu za uporedno pravo u Beogradu. Saradničkom krugu Fondacije Centar za javno pravo je bio poznat kao doktor pravnih nauka i autor javnopravnih analiza. Ja sam ga upoznao kao nasmijanog i vedrog pravnika koji upravo ulazi u svijet akademskih rasprava. Njegove namjere su bile ozbiljne i dokazao ih je analizama koje sam prihvatio bez poteškoća: jasan i čitak jezik, kakav se ne sreće često među pravnicima, uravnotežena argumentacija bez suvišnog verbalnog nakita i ubjedljivi zaključci. Pravna analiza kao plivanje najkraćim smjerom do cilja.

Očekivao sam da ću kolegi *Andonoviću* nakon uspješnog doktorata 2019. godine i angažmana na kragujevačkom Pravnom fakultetu 2020. godine pisati neku recenziju ili preporuku. Nisam mogao ni zamisliti da ću stajati pred nekrologom koji nosi njegovo ime. Riječ „gubitak“ ili „odlazak“ jednog saradnika stoje sramno kao znak nemogućnosti da se opiše stvarni odnos prema njegovom angažmanu u Centru za javno pravo i prema njegovoj smrti. Ispred Fondacije Centar za javno pravo, i u svoje lično ime, porodici i njegovim kolegama najiskrenije saučešće.

Prof. Dr. Edin Šarčević
Predsjednik FCJP